

Skýringar.

- A1 Taxti fyrir almenna heimilisnotkun. Heimilt er einnig að nota taxtann fyrir sjúkrahús og önnur dvalarheimili.
- A2 Taxti fyrir almenna notkun, sem ekki er getið um annars staðar.
- A3 Taxti fyrir alla skammtímanotkun vinnuvéla, vinnuljósa og annars í sambandi við mannvirkjagerð.
- B1 Iðnaðartaxti. Þar sem vélaafl er að lágmarki 30 kW og nýtingartími minnst 1000 klst. á ári.
Þessi taxti er ætlaður sem vélataxti en er þó heimilt í vissum tilvikum að sammæla aðra notkun með vélanotkuninni og bætist þá við gólfflatargjald, 58,00 kr/m².
Ef sú notkun er óeðlilega stór hluti af heildarnotkuninni, er heimilt að margfalda gólfflatargjaldið samkv. ákvörðun rafveitunnar.
- B2 Taxti fyrir sölu á 11 kV.
- B3 Gjald fyrir götu- og hafnarlýsingu er ákveðið af bæjarstjórn.
- C1 Rofin daghitun. Straumur er rofinn í allt að 3 klst. á dag, þó ekki lengur en 1½ klst. í senn.
- C2 Rofin næturhitun. Straumur er rofinn á tímabilinu 08 til 23.
- C3 Órofin hitun.

Önnur notkun.

- Rafveitan getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði að stöðva megi raforkusölu til þeirra hvenær sem þarf að dómi rafveitunnar.
 - Þegar sérstaklega stendur á má rafveitan, í samráði við rafveitustjórn, selja raforku eftir sérstökum samningi í hvert sinn.
- Gjaldskrá þessi, sem sett er samkvæmt vatnalögum nr. 15 20. júní 1923 og orkulögum nr. 58 29. apríl 1967 staðfestist hér með til að öðlast gildi 1. janúar 1986, með vísan til auglýsingar ráðuneytisins nr. 463, 20. desember 1985 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 11 8. janúar 1985.

Iðnaðarráðuneytið, 24. febrúar 1986.

Albert Guðmundsson.

Guðrún Skúladóttir.

GJALDSKRÁ

Hitaveitu Suðurnesja fyrir raforku.

RAFORKUGJÖLD.**A. Almennir taxtar.**

- A. 1 Verð á rafmagni til allrar notkunar, sem eigi er sérstaklega talin hér á eftir:

Orkugjald	4,65	kr/kWh
Fast gjald	1 600,00	kr/ár

A. 2 Verð á rafmagni til notkunar við mannvirkjagerð, svo og við breytingar á eldri mannvirkjum:

Orkugjald	7,20	kr/kWh
Fast gjald	4 000,00	kr/ár

B. Afltaxtar.

B. 1 Verð á rafmagni til meiri háttar vélanotkunar:

Orkugjald	1,70	kr/kWh
Aflgjald	6 250,00	kr/kW ár

Aflgjald greiðist samkvæmt mælingu miðað við 15 mínútna afl, enda sé lágmarksafl 30 kW. Heimilt er að sammæla raforku til órofinnar iðnaðarhitunar með vélanotkuninni. Í vissum tilvikum er einnig heimilt, með sérstöku samþykki rafveitunnar, að sammæla aðra notkun með vélanotkuninni.

B. 2 Verð á rafmagni og viðhaldi úti- og götulýsingar, samkvæmt uppsettu afli:

Aflgjald	10 000,00	kr/kW ár
Viðhaldsgjald	10 600,00	kr/kW ár
Gjald samtals	20 600,00	kr/kW ár

Auk afl- og viðhaldskostnaðar greiðir notandi stofnkostnað að fullu.

C. Hitun.

C. 1 Órofin húshitun	3,10	kr/kWh
C. 2 Daghitun, húshitun rofin	1,03	kr/kWh
C. 3 Næturhitun, húshitun	0,57	kr/kWh
Fast gjald á C. 1	4 500,00	kr/pr. ár
Fast gjald á C. 2 og C. 3	4 200,00	kr/pr. ár

D. Mælaleiga.

Rafveitan ákveður stærð og gerð mæli- og stjórnækja, sem notuð eru við sölu rafmagns.

Fyrirtæki þau, sem notuð eru við rafmagnssölu, skal greiða eftirfarandi:

D. 1 Af einfasa mælum	340,00	kr/pr. ár
D. 2 Af þrífasa mælum upp að 50A	1 370,00	kr/pr. ár
D. 3 Af þrífasa mælum 50A og ofar	2 050,00	kr/pr. ár
D. 4 Af álagsstýringarliðum	2 050,00	kr/pr. ár
D. 5 Af aflmælum	3 400,00	kr/pr. ár

Mælaleiga reiknast ekki af A. 1, A. 2, C. 1, C. 2 og C. 3. Ársleiga fyrir önnur tæki, en að framan greinir, skal vera sem næst 15% af innkaupsverði tækisins, eftir nánari ákvörðun rafveitunnar. Leiga skal greidd samtímis raforkugjaldi.

E. Heimtaugargjald.

Heimtaugargjald skal greitt fyrir hverja heimtaug er tengir húsveitu við veitukerfi rafveitunnar.

Heimtaugargjald skal greitt við umsókn.

Heimtaugar greinast í aðalheimtaugar og bráðabirgðaheimtaugar.

Aðalheimtaugar.

Gjöld fyrir aðalheimtaugar eru eftirfarandi:

Málstraumur:	Heimtaugargjöld
63A 1-fasa	kr. 26 200,00
63A 3-fasa	kr. 28 500,00
100A 3-fasa	kr. 45 600,00
200A 3-fasa	kr. 88 900,00
300A 3-fasa	kr. 133 400,00
400A 3-fasa	kr. 176 700,00
600A 3-fasa	kr. 265 600,00
900A 3-fasa	kr. 399 000,00
1200A 3-fasa	kr. 532 400,00

Málstraumur heimtaugar miðast við stærð stofnvars húsveitu.

Gjöld fyrir bráðabirgðaheimtaugar eru eftirfarandi:

Málstraumur:	
63A 1-fasa	kr. 6 300,00
63A 3-fasa	kr. 7 000,00
100A 3-fasa	kr. 9 500,00

Málstraumur heimtaugar miðast við stærð stofnvara húsveitu.

Lengd jarðstrengsheimtaugar reiknast í heilum metrum frá næsta útengiskáp eða rofa í spennistöð, að stofnvarkassa í húsveitu.

Lengdargjald skal greitt fyrir hvern metra umfram 5 metra innan lóðarmarka í jarðstrengsheimtaug og fyrir hvern stólpa innan lóðarmarka í loftlínuheimtaug.

Sé fyrirsjáanlegt vegna fjarlægðar eða annarra aðstæðna, að kostnaður við lagningu heimtaugar verði meira en 50% hærri en gildandi gjaldskrá segir til um, skal greiða þann kostnað, sem umfram 50% er, samkvæmt nánari ákvörðun rafveitunnar.

Óski eigandi húsveitu eftir, að heimtaug sé lögð, þegar frost er í jörðu skal greiða aukagjald samkvæmt nánari ákvörðun rafveitunnar.

Sé nauðsynlegt að setja upp spennistöð vegna húsveitu, og hún að mestu leyti notuð í þágu þeirrar húsveitu, skal eiganda veitunnar skylt að leggja til lóð undir stöðina, rafveitunni að kostnaðarlausu, og skal hann í öllu hlíta skilmálum hennar um stærð lóðar og staðsetningu stöðvar.

Ýmis ákvæði.

1. gr.

Heimilt er að ákveða sérstakt gjald fyrir launafl, ef úttekið launafl nemur 75% eða meira af mesta raunaflí á ári, miðað við 15 mínútna meðalgildi afls.

2. gr.

Fyrir tengingu ásamt aftengingu vegna skammtímanotkunar, svo sem landtengingu skipa, skal greiða gjald kr. 780,00.

3. gr.

Sé heimild notuð til að rjúfa straum á veitu vegna vanskila notanda á greiðslu gjalda samkvæmt gjaldskrá þessari, skal hann greiða 780,00 kr. gjald fyrir að settur sé straumur á að nýju.

4. gr.

Sala rafmagns til hitunar samkvæmt c-liðum er bundin því skilyrði, að orkuver og veitukerfi þoli álagið að dómi rafveitunnar.

5. gr.

Söluskattur 25% og verðjöfnunargjald 16% er innifalið í raforkugjöldum samkvæmt gjaldskrá þessari, nema í c-liðum, húshitun og viðhaldsgjald götulýsingar.

6. gr.

Breytist innkaupsverð á raforku er rafveitunefnd heimilt að breyta gjaldskrárliðum gjaldskrár þessarar til samræmis um allt að 63% af þeirri breytingu, að fenginni staðfestingu iðnaðarráðuneytisins.

7. gr.

Rafveitan leiðbeinir notendum, er þess óska, um val gjaldskrárliða eftir tegund notkunar.

Gjaldskrá þessi, sem samin er og samþykkt af stjórn Hitaveitu Suðurnesja og sett samkvæmt vatnalögum nr. 15, 20. júní 1923 og orkulögum nr. 58, 29. apríl 1967, staðfestist hér með til að öðlast gildi 1. janúar 1986, með vísan til auglýsingar ráðuneytisins nr. 463, 20. desember 1985. Jafnframt er úr gildi felld eldri gjaldskrá sama efnis nr. 353, 18. september 1985.

Iðnaðarráðuneytið, 24. febrúar 1986.

Albert Guðmundsson.

Guðrún Skúladóttir.

REGLUGERÐ

um hæsnahald í búrum.

1. gr.

Gildissvið.

Reglugerðin gildir um tamin hæsn (*Gallus gallus*).

Leyfilegt er að hafa hæsn í búrum, ef uppfyllt eru þau skilyrði, sem hér er kveðið á um.

2. gr.

Húsnæði o. fl.

Í húsum þar sem búrhænsni eru geymd, skal þess gætt, að loftræsting sé svo góð að ávallt sé gott loft, án þess þó að dragsúgur myndist.

Loftræstikerfi skal geta afkastað 4 m³/klst./hænu. Ef aðal loftræstikerfi bílar skal án tafar vera unnt að grípa til neyðarloftræstingar (t. d. opnanlegar einingar).

Koltvísýringur (CO₂) í andrúmslofti skal ekki fara yfir 3,5‰ rúmmáls, ammoníak (NH₃) ekki yfir 0,025‰ rúmmáls og brennisteinsvetni (H₂S) ekki yfir 0,01‰ rúmmáls. Eftirlitsmenn skulu hafa nákvæma mæla til slíkra mælinga.

Hitastig skal vera á bilinu 12—22°C og dagleg hitasveifla má ekki vera meiri en 5°C. Hitastig hjá nýklöktum ungum skal vera 30—35°C og lækka um 0,5°C á dag niður í 15—22°C við 4 vikna aldur. Fullgildir hitamælar skulu vera á staðnum.

Rakastig skal vera á bilinu 60—80% og ekki yfir 70% hjá ungum. Fullgildir rakamælar skulu vera á staðnum.